

# OS XES

## Os Xes, Zaj 1 thiab 2

### Os Xes yuav poj niam, nws muaj tub ki. 1 : 1 - 9.

**1** 1 Nram no, yog cov lus uas HUAB  
TAIS hais rau Os Xes, Npes Lis tus  
tub. Yog lub caij Os Xias thiab As Kas  
thiab Es Xes Kias ua vaj kav Yus Das teb.  
Yog lub caij uas Yes Los Npuag, Zos As  
tus tub ua vaj kav His Xas Lais teb.

2 Thaum HUAB TAIS pib hais lus rau  
Os Xes, HUAB TAIS hais rau Os Xes  
tias :

"Koj mus yuav ib tug poj niam nyiam kev  
ntxeef siab rau tus txiv. Koj yuav muaj  
ib co me nyuam tuaj ntawm kev ntxeev  
saib tuaj, vim kuv xav ua piv txwv qhuab  
qhia lub teb chaws. Lawv niaj hnub tso  
kuv pov tseg, lawv ntxeev siab rau  
HUAB TAIS."

3 Tus Yaj Saub Os Xes thiaj mus yuav  
Nkos Mes, yog Dis Nplas Yis tus ntxhais.  
Nkos Mes xeeb tub, nws yug ib tug tub.

4 HUAB TAIS hais rau Os Xes tias :

"Kom tis npe rau tus tub ntawd hu ua Yis  
Ntxes Ees, tshuav tsis ntev kuv yuav  
nplua Zes Hus tsev neeg, vim lawv tau ua  
kom ntshav ntws nyob Yis Ntxes Ees.  
Kuv yuav ua kom His Xas Lais tsev neeg  
tsis muaj vaj ntxwv.

5 Lub caij ntawd kuv yuav ua kom His  
Xas Lais rab hnuev dam nyob hauv lub  
hav Yis Ntxes Ees."

6 Nkos Mes rov xeeb tub, nws yug tau ib  
tug ntxhais. HUAB TAIS hais rau Os Xes  
tias :

"Koj tis tus ntxhais ntawd npe hu Las Lus  
Has Mas. Txhais tias : 'Tsis Nyiam.' Vim  
txij no mus kuv yuav tsis khuv leej His  
Xas Lais tsev neeg. Kuv yuav tsis zam  
txhaum ntxiv rau lawv.

tsev neeg. Kuv yuav cawm lawv, kuv tsis  
siv rab hnuev, rab ntaj, kev rog, cov nees  
thiab cov peeb Muas los cawm lawv."

8 Nkos Mes cais Los Lus Has Mas mis  
ces nws rov xeeb tub, nws yug tau ib tug  
tub.

4 HUAB TAIS hais rau Os Xes tias :  
"Kuv hu tus tub ntawd ua Los As Mis,  
txhais tias : 'Tsis yog kuv haiv neeg.'  
Vim His Xas Lais tsis yog kuv haiv neeg  
lawm. Nej ua zoo li tsis muaj kuv lawm."

### His Xas Lais ua zoo li ib tug poj niam fav xeeb. 2 : 4 - 22.

**2** 4 "Nej mus kom nej niam mas ! Nej  
mus kom nws mas !

Nws tsis yog kuv poj niam lawm. Thiab  
kuv tsis yog nws tus txiv. Nws yuav tsum  
tso nws tsoj kev ntxeev siab tseg kom  
kuv txhob pom. Nws yuav tsum ntiaib nws  
cov hluas nraug mus kom deb ntawm  
nws.

5 Yog nws tsis ua li ntawd, kuv yuav hle  
nws tej tsoos tsho cia nws liab qab. Kuv  
yuav cia nws lub cev do dus xws li hnub  
nws yug los. Kuv yuav ua kom nws  
hloov ua ib lub teb chaws quav poj, xws li  
ib co av qhuav. Kuv yuav ua kom nws  
tuag nqhis.

6 Kuv yuav tsis khuv leej nws cov me  
nyuam, vim nws cov me nyuam yug  
ntawm nws tsoj kev ntxeev siab los.

7 Lawv niam ntxeev siab tiag, nws kev  
xeeb tub yog kev poob ntsej muag. Vim  
nws hais kam tias : 'Kuv yuav nrhiav dua  
hluas, lawv thiaj muab mov rau kuv noj,  
muab dej rau kuv haus, muab ntaub rau  
kuv hnuev, muab roj rau kuv taws.'

10 Nws tsis nco qab pom tias yog kuv

pub nplej pub cawv, pub roj rau nws.  
Nws tsis pom tias yog kuv pub cov nyiaj  
cov kub uas nws muab nchuav ua cov  
mlom Npas Has.

14 Kuv yuav rhuav nws tej vaj txiv  
cawv, tej vaj txiv neuav pias. Ces nws  
yuav hais tias : kuv yuav rov mus cuag  
kuv thawj tug txiv."

16 "Kuv yuav ua kom nws rov nyiam  
kuv, kuv yuav coj nws mus hauv teb  
chaws suab puam, kuv yuav hais lus rau  
nws lub siab mloog.

17 Nyob ntawd, nws yuav teb kuv zoo li  
thaum nws tseem hluas zoo li thaum nws  
tawm hauv Hais Nkws Tos teb los."

18 HUAB TAIS hais zoo li no :  
"Hnub ntawd, koj yuav hu kuv tias : 'Kuv  
tus txiv.' Koj yuav tsis hu kuv ntxiv tias :  
'Kuv tus Npas Has.'

21 Kuv yuav qhaib koj rau kuv tas ib sid.  
Kuv yuav qhaib koj nyob hauv txoj kev  
ncaj, txoj kev sib nyiam sib hlub.

22 Kuv yuav qhaib koj nyob hauv txoj  
kev npuab kuv, ces koj yuav paub HUAB  
TAIS."

**Cov His Xas Lais siab tsis ncaj,  
lawv ib sij hloov ib zaug. 6 : 1 - 6.**

**6 1 Cov His Xas Lais hais tias :**

"Nej tuaj, peb rov qab los cuag  
HUAB TAIS. Nws tau dua peb pov tseg,  
tab sis nws yuav rov kho peb. Nws tau  
nplawm peb, tab sis nws yuav qhwv peb  
cov qhov txhab.

2 Nws tos ob hnub ces nws yuav rov  
muab txoj sia rau peb. Hnub peb, nws  
yuav tsa peb sawv rov los. Peb yuav tau  
ua lub neej nrog nws nyob.

3 Peb kav tsij nrhiav kom paub HUAB  
TAIS. Nws yeej yuav tuaj tiag tiag, ib  
yam li lub hnub tawm thaum sawv ntxov.  
Nws yuav tuaj xws li cov kob nag, xws li

cov nag poob los ywg av lub caij ntuj  
tshiab."

**4 HUAB TAIS hais tias :**

"Kuv yuav ua dab tsi rau koj, Es Fais ?  
Kuv yuav ua dab tsi rau koj, Yus Das ?  
Nej txoj kev nyiam kuv yog zoo li cov  
huab thaum sawv ntxov, zoo li cov lwg  
uas qhuav sai sai."

5 Yog vim li ntawd kuv thiaj kom cov  
Yaj Saub faib lawv ua ntau pawg, kuv lub  
ncauj hais cov lus muab lawv tua, kuv  
kev txiat txim tawm plaws xws li qhov  
pom kev.

6 Vim yog kev nyiam thiaj xis kuv siab.  
Cov thaj txi Ntuj tsis xis kuv siab. Kev  
paub Tswv Ntuj xis kuv siab dua cov thaj  
hlawv tsiaj."

**Ntuas cov His Xas Lais uas lawv  
teev mlom nyuj. 8 : 4 - 7.**

**8 4 Cov His Xas Lais lawv tau tsa  
lawv cov vaj, tab sis lawv tsis nug  
tias kuv puas pom zoo lawv tsa  
lawv cov tswj kuv, lawv tsis pub kuv  
paub. Lawv muab lawv tej nyiaj tej kub  
los nchuav ua mlom dab. Cov mlom yuav  
raug kuv muab rhuav.**

5 Xas Mas Lias, koj xyeeb koj tus mlom  
xyuas nyuj pov tseg mas ! Kuv lub siab  
npau rau cov Xas Mas Lias. Yuav tos  
txog tav twg lawv lub siab thiaj rov huv  
tuaj.

6 Tus mlom nyuj ntawd, yog tuaj ntawm  
cov neeg His Xas Lais tuaj. Yog ib tug  
kws txawj thiab txaug tus mlom tsis yog  
Tswv Ntuj. Tseeb tiag, tus xyuas nyuj  
Xas Mas Lias yuav tawg ua hmoov.

7 Lawv tseb cua, lawv yuav tau sau cua  
daj cua dub. Lawv cov nplej yuav  
txhawv tsis taus. Cov hnab nplej yuav  
tsis qoos. Yog siav taus, mas cov pej kum  
neeg yuav tuaj nyiag tas.

**Cem cov His Xas Lais vim lawv txi  
Ntuj tab sis lawv tsis hloov siab.  
8 : 11 - 13.**

11 Es Fais ua ntau lub thaj txi Ntuj. Tab sis lawv tsuas siv cov thaj ntawd los ua txhaum xwb.

12 Tab yog kuv sau txhiab vam lo lus qhia rau lawv coj, mas lawv saib zoo li yog ib tug pej kum neeg cov lus.

13 Lawv nyiam tua tsiaj txi Ntuj. Lawv yeej meem txi mas ! Lawv nqhis nqaij, lawv yeej meem noj mas ! HUAB TAIS tsis xav txais tej ntawd. Txij no mus, HUAB TAIS yuav nco ntsoov lawv cov txhaum. Nws yuav muab txim rau lawv, lawv yuav rov qab mus nyob Hais Nkws Tos teb.

**Cov His Xas Lais muaj ob lub siab,  
kom lawv kav tsij nrhiav HUAB  
TAIS mas ! 10 : 1 - 3 + 7 - 8 + 12.**

**10** 1 His Xas Lais yog zoo li ib lub vaj txiv cawv txi txiv ncw ncw. Lawv teb chaws pheej txi txiv, lawv pheej txhim thaj txi dab ntau tuaj.

Lawv teb chaws yim npluaj nuj tuaj, lawv yim tsa ncej teev dab ntau ntxiv. 2 Lawv muaj ob lub siab, li ntawd mas lawv yuav tsum them txim. Cov yeeb neuab yuav tuaj muab lawv tej thaj txi dab ntxeev, yuav rho lawv tej ncej teev dab pov tseg.

3 Ces cov His Xas Lais yuav hais tias: "Peb tsis muaj vaj lawm, vim peb tsis tau hwm HUAB TAIS."

7 Kuv pom tsis muaj Xas Mas Lias teb lawm. Tus vaj Xas Mas Lias zoo xws li ib tug quav nplej ntab saum nplaim dej.

8 Cov ncov roob yog His Xas Lais chaw ua txhaum. Luag yuav tuaj rho pov tseg. Cov pos yuav hlob tuaj nyob saum cov thaj txi dab. Tsoom His Xas Lais yuav

hais rau cov hauv toj tias:  
"Nej tuaj vov peb mas !" Lawv yuav hais rau cov hauv pes tias:  
"Nej poob rau saum peb mas !"

12 Cov His Xas Lais, nej kav tsij nquag nrhiav kev ncaj xws li cov neeg tseb nplej lawv nquag. Nej kav tsij rau siab ntso nrhiav lub siab nyiam xws li cov neeg sau nplej lawv rau siab. Nej yuav muab siab rau xws li cov neeg qhib liaj tshiab. Nej kav tsij nrhiav HUAB TAIS tas zog mus txog hnub nws ywg txoj kev ncaj los rau saum nej.

**Tswv Ntuj pom cov His Xas Lais  
tsis nyiam nws, nws yuav muab  
txim rau lawv. Qhov kawg nws  
yuav rov zam. 11 : 1 - 9.**

**11** 1 Thaum haiv His Xas Lais tseem ua me nyuam kuv twb nyiam nws, kuv hu kuv tus tub khuam nyob Hais Nkws Tos teb kom los.

2 Tab sis kuv yim hu lawv tuaj cuag kuv, mas lawv yim txav mus deb kuv. Lawv txhim cov thaj txi cov dab Npas Has, lawv hlawv xyab rau cov mlom dab.

3 Hos kuv yog tus hwj cov Es Fais xyaum mus kev, kuv tuav lawv txhais npab. Lawv tsis to taub tias kuv saib xyuas lawv.

4 Kuv xuas ib co hlua mos cab lawv mus. Kuv tu lawv xws li ib tug niam puag nws tus me nyuam, kuv nyiam kuv hlub kuv plhws ntshis lawv. Kuv khoov cev rau saum lawv pub lawv noj.

5 Lawv yuav tsis rov mus nyob Hais Nkws Tos teb, tab sis tus vaj As Xws yuav tswj lawv vim lawv tsis kam rov los cuag kuv.

6 Rab ntaj yuav ua phem nyob hauv lawv cov tsheej. Rab ntaj yuav tsuav cov liaj rooj vag, rab ntaj yuav dhuas lawv vim

lawv tus nru lus phem.

7 Kuv haiv neeg twm xeeb nyob hauv nws txoj kev ntseev siab. Kuv nyob txheej ntuj saud hu lawv, tab sis lawv tsis muaj ib tug sawv.

8 His Xas Lais, kuv yuav tso nej pov tseg puas tau ! Kuv yuav muab nej muag rau luag tus qhua puas tau !

Kuv lub siab lub plawv ntseev tas lwj tas hauv kuv lub nrog cev.

Kuv tej siab ntsws rhiab tas.

9 Kuv yuav tsis tso kuv lub siab npau taws. Kuv yuav tsis rhuav His Xas Lais. Vim kuv yog Tswv Ntuj, kuv tsis yog neeg. Nyob hauv nruab nrab nej, kuv yog tus Ntshiab, kuv yuav tsis tuaj rhuav nej pov tseg.

**Cov His Xas Lais tig rov los nyiam  
HUAB TAIS. 14 : 2 - 10.**

**14** 2 Cov His Xas Lais, nej rov qab los nrog nej tus HUAB TAIS

Tswv Ntuj nyob mas ! Nej tau ua txhaum, nej thiaj ntog.

3 Nej yuav hais tej lo lus tseem ceeb thov txhaum. Nej yuav los nrog HUAB TAIS mog !

Nej yuav hais rau nws tias :

"Thov koj thau peb cov txhaum pov tseg, koj tsuas xaiv qhov zoo nyob hauv peb.

Peb yuav tsis muab heev nyuj rau koj, peb di ncauj yuav cav lus zoo rau koj.

4 As Xws yuav tsis cawm peb. Peb yuav tsis caij nees mus ua rog, peb yuav tsis

hais rau peb cov mlom tias : Nej yog peb tus Tswv Ntuj ! Vim yog peb txhais tes ua xwb. Yog nyob hauv koj ces tus me nyuam ntsuag thiaj tau txais kev khuv leej."

5 Ces HUAB TAIS yuav teb tias :

"Kuv yuav kho cov His Xas Lais kev ntseev siab kom lawv zoo hlo. Kuv yuav hlub lawv tas siab tas ntsws. Kuv yuav tsis npau taws rau lawv.

6 Kuv yuav los pov hwm His Xas Lais xws li ib co lwg, lawv yuav hlob xws li tej lub paj zoo nkauj, lawv yuav nrhau cag xws li tej tus ntoo faj khaum.

7 Lawv yuav hla kaus ncauj deg mus deb deb, lawv yuav zoo saib xws li tej tsob txiv ntoo roj, lawv yuav tsw qab xws li cov hav zoo Lis Npas.

8 Lawv yuav rov los zaum hauv kuv qhov ntzoov. Lawv tej qoob loo yuav ntsu. Lawv yuav cog tej hom txiv ntoo ua cawv qab nto moo xws li cov nyob Hes Nploos.

9 Cov Es Fais yuav tsis mus teev dab lawm, kuv thiaj mloog lawv thov kuv, kuv ntsia ntsoov lawv. Kuv zoo puav tam li ib tug ntoo thuv ntsuab mus li. Yog vim muaj kuv, lawv thiaj txi txiv tau.

10 Tus neeg txawj xav tswm yim nws yuav paub xav cov lus saum no, tus neeg ntse yuav to taub zoo.

HUAB TAIS txoj kev yog txoj kev ncaj. Cov neeg siab ntshiab taug nws txoj kev tau. Cov neeg txhaum ntog hauv txoj kev ntawd."